

湖南府縣志輯

中國地方志集成

同治茶陵州志
同治醴縣志

K296.4
10
11

中國地方志集成

湖南府縣志輯 ⑱

同治茶陵州志

同治酃縣志

江蘇古籍出版社●上海書店●巴蜀書社

重脩茶陵州志序

同治九年秋余權知州
事甫下車徵志乘掾吏
蒞以應也詢其故則曰
州志之不脩數十年矣

薦紳先生與夫都邑
之士方從事於斯而未
畢也閱數月州志潰於
成邑人士請余序其端
余欣然喜曰州固不

可無志牧是州者尤不
可不觀志蓋知州者豈
惟是折獄訟力催科云
爾哉必舉一州之事無
乎不知然後謂之知州

然沒不愧為知州余始
固懼夫有所不知也於
是乎詢度咨諏究如慮
漠以期克知然耳目有
所不及周採訪有所不

能盡知其偏者或未必
知其全也今幸州志告
成舉所宜知者一一瞭
如指掌將所已知者證
其是非所未知者補其

缺漏庶幾乎可以全知
並可以力行其所知矣
雖然都邑之士獨無所
當知者乎余觀州之先
進明體達用者代不乏

人事業文章光昭史冊
芳風未歇俎豆常新聞
之者皆可感發而興起
都邑之士勉乎哉詩曰
昔吾有先正其言明且

清遠紹旁搜躬行實踐
出為良佐處為純儒將
後之視今猶今之視昔
矣抑又思之隆平之世
風俗移易比戶可封化

導之權操、自上六賴膠
庠俊秀砥礪廉隅以為
閭里倡也都邑之士勉
乎哉牧是州者尤有厚
望焉

茶陵州志

新序

五

同治十年四月既望

欽加運同銜候補知州署茶

陵州知州蒙古福昌撰



舊序

明文淵閣大學士張

治龍閣

茶陵志元以前無存刻也正統始刻之治見其晦弗昭焉
亂時統焉蕪穢弗根焉遺弗備焉漸散失焉寂欲墮焉太
常夏公出補茶以責之治治於是取而筆削之作上下二
卷為目二十有二凡六萬餘言維先王制國畫地分邑道
有升降或沿或革推世道之次志郡譜星氣之書多雜禋
祥不經然天人之道弗可姦罔志分野設險守國雖聖王
不能廢也嘉子邁之功志城池地道之昌挹衡帶湘鼉又
攸宅志形勝洪原孰孕疏為江河大塊孰埏播為山阿民
利之鍾也志山川鼓眾成化莫上於禮樂禮樂之發在於
茶陵州志

卷之一 張序

節民情志風俗君食於民民食於力其極則恣欲并兼病
於機利其隱弗悉也志食貨君子出政之地旅德則宅甘
棠勿翦峴石興哀可不務歟志公署維君子之政以民惠
弗務己惠己惠者窮儲備津梁溝澮之利因之民志惠政
禮祀罔不有則匪是淫也崇正有之義志祀典勒崇垂鴻
後則效之往世之轍可以為式志古蹟民生顓蒙恣於欲
動罔克臧本諸教志學校旅旅欲則奪競辱弗醜制而禦之
以威天下志武備守令羣牧廉黷仁酷旅靈明明弗可掩
也可不慎與志官守取士之法其來遠矣所損益各殊要
以得人才裨治理雖百世不能易也志選舉陳惠隲祉以

德齡黎久而彌懷其稱赫赫志循良哲夫茂令人網人紀

小德謀邑中德謀國大德謀世具可稱述志人物坤政穆

成震撼不二家人之間可以觀矣志列女墳典道絕六經

言微秦漢而下文辭燦如也然要以發洩至道之蘊志藝

文自漢以來佛老萌起至於今蔓如也正之以經常志寺

觀大道弗昭誕幻章達足以鼓眾志傳疑事有參差不可

以類存之足備搜考志雜志是故志志也郡譜世也分野

象也城池固也形勝勢也山川域也風俗德也食貨力也

公署乂也惠政綬也祀典常也古蹟鑒也學校教也武備

守也官守職也選舉求也循良吏之程也人物士之徵也

茶陵州志

卷之一 張序

二

列女貞其內也寺觀藝其外也藝文敦其訓也傳疑理之

窮也雜志事之終也志道於是乎備嘉靖四年歲在乙酉

夏五月既望

舊序

明太常寺少卿知夏長勝東洲

嘉靖四年春三月夏子以罪謫守茶陵州事政麗以滯思

通之也考其故先是而政賢余者若人焉從而師之達於

政也其庶乎學荒而落思啓之也選諸表居是而學賢余

者若人焉從而友之資於學也其庶乎友之而奚若相觀

以善斯可已就所見若張子其最也師之而奚若視茲成

事斯可已逮所聞若董公其最也居越月庭訟日簡而延

論日不廢或曰民安於止而擾焉者寡時出舍省若耕穫

無後時或曰民盡於力而惰焉者寡冠攘息旅途日來夜

弗警或曰民率於度而偷焉者寡余方思志有關於先張

茶陵州志

卷之一 夏序

三

子力成志以詔於後也相與合冊而觀則凡政若董公者

彙出學若張子者彙出余因是得師而友者益眾已嗚呼

嘗從事政府聞天下之言政者必曰更治已立法已余不

敏則曰其政也求其故而已故者以善爲正嘗游儒家聞

天下之論學者必曰專門已獨見已余不敏則曰學也資

乎人而已人也以賢爲歸是故單父事於賢已惜其治小

三代因禮而損益者百世可知聖賢政學明徵具存先儒

每病夫學政爲兩家茲其免矣是則所以志者志也嘉靖

四年秋七月之既誤於雲陽官舍

舊序

明都御史 郡人龍大有雲東

郡邑之志邦國之史同也紀實爲上誣下焉孔子曰吾猶及史之闕文也今亡矣夫然則史之誣也遠矣夫史或失則陋或失則僻或失則私或失則畧所以誣也是故博則弗純純則弗僻公則弗私精則弗畧旁治所以徵博也明一所以徵純也檢律所以徵公也確允所以徵精也備斯四者史之道庶幾矣吾茶志久闕未嗣太常東洲夏公來守覽而慨焉政通之餘爰責新於龍湖張子張子受而慨焉因窮覈以舉遺循彝以去固秉執以塞干愼篤以致當數閱月而編成嗚呼信矣匪誣矣夫史以載事也信而不誣其良史乎吏以文治也雅而不庸其良吏乎吾故於東洲龍湖有得矣豈嘉靖乙酉歲秋七月既望

茶陵州志

卷之一 龍序

四

舊序

明進士同知州事 揭陽林松

茶陵州志蓋太史龍湖張公所筆削者也卷分上下類二十有二上卷則郡譜分野城池形勝山川風俗食貨公署惠政祀典古蹟下卷則學校武備官守選舉循良人物列女藝文寺觀傳疑雜志志其至備矣乎夫世運之推也星野之辨也封域據其勢川谷因其俗力農賦上出政蒞下先務成於民後致力於神而往轍足稽焉經之以文也繕之以武也官備而良吏見設科而賢才出內章女順外閭異端藝文以訓正傳疑以闢聞而以雜志終焉夫是之謂至備然其志終於嘉靖乙酉迄今已未三十有餘年其天文地理封域川谷之類固不可得而變易者如貢賦祀典職官選舉之類有可得而增益者焉稽往牒以類增補而不敢有所是非臧否於其閒用以繼前志所未及以待後之修者有所考焉嘉靖己未秋八月庚子

茶陵州志

卷之一 林序

五

舊序

明進士知州事 山東馮 瑗

志始於張文毅公翰苑詞華良史才也茶固桑梓郡聞見最真品覈最確博綜最詳夫是之謂良史歷世久遠時異歲遷勢不得有所增益嘉靖己未林公益之大約因類增補無所紛更也萬歷辛卯陳君復再益之多斷續裂幅倫序不次蕪穢不治也瑗承乏茲郡簿書之暇妄意文獻讀舊志每苦不能終卷者舛謬重複居多詢於故家得文毅公舊本志其固陋校讐踰月體裁一遵文毅公之舊閒有損益亦求爲可繼非敢有臧否也其田賦之繁簡公署之遷易學校之廢興官守選舉之得而增者增之至循良人物甯闕之者以瑗待罪日淺聞見未真多收恐其濫也少取恐其遺也遺與濫均不足以勸母甯闕之以俟聞見之真品覈之確如文毅公者補之萬歷丁酉歲十一月朔日

茶陵州志

卷之二 馮序

六

舊序

進士補分巡下湖張 璠

星沙東南有州曰茶陵僻處巖險今歲時曾以本道使者備兵於此亦重地也其山川風土類樸質而其聲名文物歷宋元以來稱極盛明之末造流氛充斥章程典故散於荒烟蔓草者多矣我

朝定鼎後擇吏而爲之牧非徒固吾圉而安集之也民於社席上託處業已海逾世載則生聚教訓且暇暇乎幾成效百廢具興固良有司職也然事有輕重而時則有緩急善爲政者終不以重而後輕緩而先急况關於吏治之大有如州志者任其抱殘守闕不以時綴輯後將無所考證則

茶陵州志

卷之二 張序

七

責固已有攸歸矣馬州守奉督撫揆文之意夙夜匪懈用求編訂食謀文獻昇其纂修是亦知夫時與事之弗可以已也第繇往牒以開將來裁定良匪易矣使華而不磨煩而不整俗而不經何以列著作之林哉惟公惟信而文詞多雅馴則博無弗該而約亦不至於率嚴無弗謹而怨亦不至於濫非篤學深思心知其意固難爲淺見寡聞者道也後之執其地者披覽舊志敷吏治以宜民爲利固深且遠此誠予之所得而序者且因其來告成事於予也書以弁其首康熙乙巳陽月

舊序

前知州事 安邑 馬崇詔 玉

大地不礙於章亥之步名山無遺於伯益之書此囊括乾坤而詭絕形勝者也及夫郡乘邑紀敷實綜圖上下古今如影索照斯固天下不外一掌而四境悉譜乎毫端矣予承乏茲土幸風氣樸儉而山川閒以崇深鳴絃坐嘯似亦有時適督撫各憲加意文治特有修志之檄因進此中薦紳及邦人士訂之迺獲前張文毅公之所纂與夫歷任諸君子之所補者而觀焉於是分曹列局咨謀考證必問無異詞見無異詞其閒城郭邱井戶口生齒之可稽者忠臣孝子義夫節婦之可傳者文事武備之或舉或廢食貨方

茶陵州志

卷之一 馬序

八

材之宜變宜通昔之宦於斯而奚少卿子康今之利賴於斯而奚五袴歌而三科不募者一一校讎而剖晰之無隱其美無侈其詞典贍博達具一史才而鄭國之爲命而潤色者歸公僑前漢之書成而核實者推班掾非復爾雅之箋徒稱郭璞水經之注必騁酈元以此報之憲使卽以此勅諸貞珉雲陽之志成雲陽之父老子弟可奉而垂之後

禩矣康熙乙巳陽月

舊序

前知州事 彭城 熊應昌 徵侯

凡郡邑之志文直而事核者本諸龍門文贍而事詳者原諸扶風度彼參此與爲詳贍甯直而核也直而核者文如其事而卽已余承乏守茶會逢征繕斯固賦車籍馬之時而非徵獻考文之日越明年湖湘霧捲大勞方艾凡所舉措必視諸故府爰購郡志一冊開讀再三修於嘉靖之四年者爲文毅所獨裁而總其成者則夏公東洲也修於康熙之四年者爲紳衿所共輯而主其事者則馬公玉綸也顧自元狩迄嘉靖論次幾二千年而爲文不過六萬自嘉靖迄康熙編撰未二百年而爲文已過二十萬繁簡既殊

茶陵州志

卷之一 熊序

九

疑信攸分及問藏板何在則已燬於健兒意文毅之靈厝火於積薪乎何鬱攸之熾也失今不修茶州千百年之文獻從何取徵嗣得馮公琰舊志一帙其論著一本於張而篇章微有加焉以此爲式集紳士而詔曰志以紀事也文與事不相副或失則夸或失則誣孰是簡者甯質毋華甯約毋侈甯嚴毋恕甯紀實毋鑿空甯徵信毋傳疑以志賦式則準諸部計未可勦禹貢而剽周官也以志風俗則采諸民謠未可漁二南而獵十五國也翻汝南之定議破林宗之成見是是非非而人物以志焉撤昭明之文選掃鍾嶸之詩評然然否否而藝文以志焉其他分野之祿祥山

川之高深營建之興廢選造之盛衰臚而知之太抵不離乎文毅者近是文近於直事近於核未敢比之良史但較之詳而無體贍而近穢者微有間焉後之生於茶者因事以考文不勞於旁搜遠稽官於茶者因文以舉事駕輕就熟政不綦逸歟豈空言無補哉康熙辛酉歲秋七月

茶陵州志

卷之一 熊序

十

舊後序

拔貢譚紹琬

韓退之謂作史者每爲人所非豈不以退處士進奸雄則固已非遷矣賤仁義輕守節則范又非固矣目睫之嘆自古云然况以郡邑之志藉手儒生筆則筆削則削哉未嘗同己之望易滋異己之嫌其見非於人也曷足怪哉簡非南史非董狐而欲使田水月之論次不賈戾於會稽白石樵之輯錄不貽譏於雲間此執簡者之所以徬徨却顧也熊公宜猷吾茶凡綏理羣生綱紀庶務皆以古爲式而於載籍所垂討論講求不遺餘力會郡乘燹於兵無可考鏡者遂以編纂之簡授諸山澤之癯琬內慙寡陋外畏謗訛

茶陵州志

卷之一 譚後序

十一

謝弗敢承乃進而堅之曰取新刻而削之刊其虛誕掃其繁蕪擲遂良之曲筆翻魏收之穢史宜子之懼而闕筆也取舊刻而筆之訂其訛謬綴其闕遺續史記於稽生校漢書於馬融子將著述之不暇而何有於懼哉琬祇承公命偕同諸子網羅考核之因念八十四年於茲其間山川城郭區域疆畝可按籍而手錄焉獨是賦式之損益風俗之正變里自多而併於約學自西而徙於南選舉自科目而廣以徵辟衛所自眾建而省爲脩職此非可約舉而例論也博而采之詳而覈之俾無憂於荒墜焉其在悠悠之口所聚訟不決者惟人物藝文兩志耳今與諸友約凡人物

之正而大誠而烈炳蔚而高潔敦樸而周慎者筆之外而此者不與焉藝文之奇而法麗而則沉雄而奔放雋上而雅健者筆之外此者不與焉則我州之立德立言者尙何求多於此哉志成覺體裁義例一準於舊刻而大同小異不甚相遠則彼此可互見也疏藉是可以免非議於吾黨乎康熙二十年辛酉歲中秋前六日

茶陵州志

卷之一 譚後序

十二

舊序

前知州事 三韓趙國宣 若卷

遙遙寰宇繡壤星羅披圖按志如涉其地如遇其人如歷其事上之數千百載犁然具備積而推之一邑之志一國之志也天下之志也數千百載方輿之志均此志也茶陵古稱望郡先明舊志撰自張文毅公其旨嚴其詞直而該是倚相之書是董狐之筆可以爲信史矣入

國朝來馬公玉綸修之熊公徵侯續修之踵事增華仍不出文毅籀籀閒列論斷所謂頭上頭屋中屋亦終史氏之浮夸而已予承乏茲土爰採諸志參伍互觀長短各見然不免抱殘守闕卽後之鏤板亦銷歸蠹劫僅存什一於千百

茶陵州志

卷之一 趙序

十三

可無慨歟會督學使者檄取州志既不能以斷簡報命而諸上憲省方問俗以通都大邑志竟闕如則撰修一役尙可須臾緩乎因集博士弟子嚴加校閱其無可變更者悉沿舊刻其有可損益者務求確據毋率意毋徇私毋闕靡毋涉誕毋以新奇亂經制毋以虛聲冒實行甯簡毋繁其論次一衷於文毅不復以芒絲夾雜其間帙成考核數四方付剞劂蓋其慎也庶幾彬彬乎一邑之信史也哉雖志之所載義例頗多大約因地制宜因人立事地擅其勝人鍾其靈有事可稽無美不錄志如是而已雲陽四山崒崒清淑之氣如可挹取往者名公鉅卿接踵相望將必有

偉人端士步武前賢以增川嶽之光而事之日新月異者

莫如藝文一例尤願後之君子經術文章黼黻

休明鼓吹

盛治不徒以風雲月露取妍一時則茶之志亦予之志也夫

康熙乙亥歲仲夏月

茶陵州志

卷之一

趙序

十四

舊志書後

拔貢彭康兼壽

邑之志與國之史所以信今傳後一也建置沿革山川形勝土田貢賦官職學校志舊制也同也而其餘微有異者史蓋褒貶並行志則端主勸善然一於勸而又必出之以公不公則無識又何才與學之足云故秉一公以御三長乃可與言志茶之志自明正統開始後折衷於張文毅公國朝雖馬熊二公後先修之有可存而亦有可議此志之有待於今日也若翁趙父母來守茲土欲重修之蓋居官之得人體者而委其責於康暨諸同社康固辭不許乃執筆以從竊謂藝文不難於補殘缺訂錯譌即以次附載詞取

茶陵州志

卷之一

彭序

十五

雅馴閒有剛削知罪不免是非自在人心也所難者人物耳即前志或有遺佚善善欲長不難補載獨是數十年來忠孝信義廉節揚前休以勵後進或題玉以石與顏石以玉厥失惟均公進康而教曰志以闡幽不遺亦不濫其猶直道之公與召客者且擇侶一非其倫四筵爲之不韻矧志善以明勸乎故曰難也康乃取藝文之關於名教切於山川者錄之不則雖美弗傳也若人物之志近符月旦遠載口碑集同事再三斟酌弗阿以私矢慎於公也雖詞涉淺鄙難辭褚生之譏其敢蹈魏氏之悖耶既告成於州父母且以告州人士曰是可信今傳後乎否康熙乙亥冬月

舊志書後

歲貢 羅聖望 伯時

世之幸也維世者安其常道之大也秉道者守其正惟變也始不得已而見其奇惟常也庸言庸行至當不易奇固無所用之茶志以文毅公所纂爲定厥後馬熊二牧繼之今州侯下車未幾遂有纂修之命重圖史崇文賦莫盛於斯際其時者必得道古之才乃勝編年之任顧望何似而以過聽虛聲使附同人之末循省踰分能不覲顏第思纂修之役往往後之所見必較異於前卽如班失之同而紀志表傳已不無稍異况盡變班馬之例而進諸侯於帝紀增百官於書志范之爲異又有然者以言乎論斷大約以

茶陵州志

卷之一 羅序

十六

後代而多論往代之失讀蔚宗之論二十八將也而馬援以椒房之戚不與蓋欲示天下公而反私其旨已寓於言外讀歐陽之論唐六臣也而北面舞蹈蒙恥忍辱鬚眉如畫雖未必盡然而類然者不少今則山川本諸造物無容藻繪田賦官爵定自

朝廷亦惟踵載卽學校之易地風俗之返樸諸如此類是皆前志之所已詳向使鏤版長存則再久可以不易所最難釋手者自熊志旣修以來歷歲十有餘載其間良牧之仁聲或去後留思現逢之杜母或清風可頌與夫藝文出諸苦心有得之雪案之研究有成於月下之推敲者但問其

茶陵州志

卷一 羅序

十九

和平雅暢爲清廟明堂之音斯固正而可傳而難於輶光矣能不與樂只君子同其紀載也乎若夫品行節操甯敢矧一時之口耳過倍而筆之於書亦惟恃孝子慈孫有相告者諒無溢美之詞蓋以虛諛而貽祖父以幽獨之愧必孝慈者所不忍此不在載筆者之必用逆必用億實在告我者之凜然自問也而或以爲十餘年之事皆共相見聞卽有可紀亦職分之所當然初無奇特可稱不知盡其所當然者卽屬人所不能然請爲之說曰生都俞之朝安庸龍比承膝下之志自在雞豚無亂兵暴人以辱其身何須斷臂有琴瑟室家以諧其偶正喜齊眉渾乎如大圭冲乎如大羹元酒此蓋際夫重熙累洽之日乃見蕩蕩平平之道布帛菽粟自是淡而彌永而何必金玉珠貝爲哉

舊序

前知州事 長白瑞 徽 廣 齋

昔者王朝列國皆有史在楚則檇杌其名倚相其人也後世郡州志特史之一體耳然史裁悉具焉故典制有紀沿革有表人物世家有傳其藝文題詠尤足以覘三才之長而兼備乎六藝志豈易言哉我

國家土宇孔厚同軌同文無遠弗屆

特命史臣纂修

大清一統志凡郡州山川形勝扼塞之處責在有司討論政基重矣嘉慶乙亥冬余捧檄攝某陵州篆夙夜戰兢懼無以仰承

某陵州志

卷之一 瑞序

十八

憲命下車後利弊之興革因地制宜次第已敷施之爰考舊志始成於前明嘉靖乙酉前州夏公良勝暨州人張文毅公手萬歷時州牧陳公情馮公瑗續修之

國朝康熙年間州牧馬公崇詔熊公應昌趙公國宣先後采輯參訂遂爲成書迄今又百有餘年矣適州人士羣相考訂參稽越丁丑書成乃進諸生而告之曰甚哉志之通於史也昔司馬子長負一代史才且世守其官猶必遍遊天下網羅遺文旁稽於長老然後成史記一書今之長吏足未遍四境交不滿一州而僅抱殘守缺於前人之冊欲以信今而傳後不亦難乎某之爲城防於漢之元朔而叙次

今治則始於宋劉子邁志則元以前無存刻其典文故事自宋而前略矣數百年間豈無偉人佳士與奇文之可傳者今皆湮沒無聞可勝道哉雖然

天子以百里之命付之有司土宇吾疆圉也人民吾赤子也凡戶口之增減風俗之移易悉宜盡心焉然則此書之續僅文藝云乎哉嘉慶二十二年丁丑仲冬月

某陵州志

卷之一 瑞序

十九

舊序

翰林侍講

衡山彭

凌寶臣

余贊采詞垣備員史局仰惟

國朝作述之隆文物典章之盛十年來與館閣諸君子共切
編摩江淹有言作史之難無出於志竊用是自慎焉茶陵
州志昉於龍湖張文毅公維時以廟堂制作抒月旦品題
其文簡其事賅良史才也越五修則吾宗兼壽先生續訂
之盛美之後不難為繼與吾祖居固茶陵也遷衡未遠聚
族於黃堂石簪者概從其朔桑梓敬恭誼於斯在矧文獻
舊邦修明故事亦不忘其祖者所樂為數典也頃以省墓
來茶州人士方有事於州志余觀其書規模先緒網羅散
茶陵州志 卷之一 彭序

佚體製仍其舊事文增於前誠一州之信史也蓋亦難矣
茶陵故南楚望邑自唐宋元明以逮
國初名位顯燦文章勲業冠絕當時余讀四庫書竊謂鄉先
達提舉李公希蓮大魁後寄居永新而集號雲陽相國西
涯位陟宰輔籍隸北直猶堂懷嶽麓又况衡山近在百數
十里地值續修歲事得藉手以卒先正業名列文毅之末
相與成百二十年不刊之典吾亦與有責焉其能自己於
言乎是為叙嘉慶二十二年丁丑冬月

同治九年續修州志官紳銜名

州官

欽加運同銜候補知州署茶陵州知州蒙古福 呂世侯

署 茶 陵 州 學 正宜章楊因培 積中

茶 陵 州 訓 導巴陵左成鏤 贊卿

欽加守備銜調署茶陵州駐防千總善化韓超泰 春浦

欽加理問銜候補縣丞署茶陵州州判山陰陳 樽 品琴

欽加州同銜府經歷借補茶陵州吏目武進汪慶敏 雅生

茶 陵 州 高 壠 視 渡 司樂昌何邦琅 貢山

經始派費修志州官

茶陵州志

卷之一

續修銜名

一

欽加五品銜前署茶陵州知州番禺梁葆頤 惺 五

欽加運同銜前署茶陵州知州河間董仲孚 介 雋

編纂校閱紳士

前河南按察使司按察使譚鍾麟 雲觀

前郴州興甯縣教諭奏保知縣譚培滋 植 青

歲 貢 生 候 選 訓 導陳翹鶴 雲林

恩 貢 生 候 選 訓 導尹寅 敬承

中 書 科 中 書 候 選 知 府周壽泉 養芝

廩 貢 生 試 用 訓 導譚化鵬 黃階

廩 貢 生 試 用 訓 導孔繼亨 仲芳

廩貢生試用訓導周錦澄選青

附生謝勝權芝山

廩生彭鳳鳴西原

廩生尹附遠子謀

廩生陳瑩鶴仙翰

經理修志公費紳士

前署辰州府教授候選訓導劉搏萬南漢

歲貢生前任江華縣教諭譚福葆月卿

保舉六品藍翎候選訓導譚恩綬蘭亭

欽加鹽提舉銜前署常德府教授李舒萼曉白

茶陵州志

卷之一 續脩銜名

附貢生陳維煦炳青

附生蕭夢龍小呂

按察司照磨銜彭有典致齋

各都採訪紳士

候選訓導劉之鼎尹聘三譚壽椿譚樹屏

貢生周祿蕭繼志沈寶善龍功棗

貢生譚季昭楊秉淵陳文治向世售

譚熙春李紅錄李春輝段紹厚

王家校李顯位劉秉經

理出銜尹鎮邦縣丞銜羅寶書

州同銜段興南譚士麟候選從九譚宗藩

廩生顏念祖陳席珍劉威鳳劉錦心

陳寶鏡馬顯庸陳大安王臣忠

茶陵州志

卷之一 續修銜名

生員譚紹烈

生員湯壽南許慎言譚作霖龍騰漢

陳灼劉和鳴劉作則劉拜庚

顏應星劉如錦譚葆中周葵

譚弼堯譚日燦陳鑑庚彭日三

孔廣禧袁尙霖劉履豐劉勳生

監生劉作霖譚德源顏其樹陳安常

譚樂成周慶元陳維周陳垂鐸

譚恢璧段萃亨

附舊志纂校姓氏

明嘉靖四年乙酉

主修夏良勝

纂修張

治

嘉靖三十八年己未

主修林松

萬曆十九年辛卯

主修陳情

萬曆二十五年丁酉

主修馮援

國朝康熙四年乙巳

茶陵州志

卷之一 前志纂校姓氏

三

主修馬崇詔

參校尹士朝

康熙二十年辛酉

主修熊應昌

考訂譚紹琬

康熙三十四年乙亥

主修趙國宣

編校彭康

考證羅聖望

嘉慶二十一年丙子

主修瑞徵

鄧奉時

凡例

一茶志始於明正統間嘉靖初張文毅公訂爲二卷厥後續纂者皆不越其範圍至

國朝嘉慶丙子凡八修矣卷帙大繁冗雜不免此番重加釐訂祇期傳信無取費詞

一前志分野增補位次度數占應未見確切於茶惟茶隸長郡但取續志言長沙者存之並照通志例移置卷首

一建置輅隸不同前志詳於郡譜而沿革表世代編年有荒遠難稽者茲照通志例斷自漢始並易郡譜爲沿革自

漢以來表載悉仍舊

茶陵州志

卷之一

凡例

一山川形勝風俗古蹟寺觀各門俱即舊文稍加脩飾而以形勝附於山川惟城池兩經脩葺按照年分續增

一文毅原編物產戶口田賦統稱食貨茲析食貨田賦爲二以物產戶口附於食貨而田賦則前叙明代舊制恭錄

國朝屢次蠲免豁減

恩詔以昭

聖澤於弗忘

一祀典詳紀文廟儀注器物樂章舞譜悉照前志體例並參考闕里禮樂誌載明而以各壇廟祠祭附於後

一學校溯歷代立學之規並詳遷學之屢考頒發禮儀彰